



Fylkesmannen i Møre og Romsdal

Saksbehandlar, innvalstelefon

Seniorrådgivar Ola Betten, 71 25 84 76

Vår dato

30.05.2013

Dykkar dato

Vår ref.

2013/3433/OLBE/433.2

Dykkar ref.

Stordal Preservering Hove
v/Jarle Hove
6250 STORDAL

Stordal kommune - løyve til utsetting av sibiredelgran for juletreproduksjon på gnr128 bnr5 Stordal Preserving Hove

Fylkesmannen i Møre og Romsdal gjev Stordal Preserving Hove v/Jarle Hove løyve til utsetting av sibiredelgran for juletreproduksjon på gnr 128 bnr 5 i Stordal kommune. Løyvet gjeld for suppleringsplanting med ca. 200 stk. tre på eksisterande juletrefelt med eit areal på ca. 1 daa, UTM 6918560 396370, jf. avmerka areal i vedlegget til søknaden.

Løyvet er gitt i medhald i §§ 4 og 5 i “*Forskrift om utsetting av utenlandske treslag til skogbruksformål*”. Det er sett vilkår til løyvet.

Vi viser til søknad datert 22.05.2013. Søknaden gjeld utsetting av sibiredelgran (*Abies sibirica*) på eigedommen 128/5 i Stordal kommune. Plantefeltet er avmerka i kartvedlegg til søknaden. Formålet med utsettinga er juletreproduksjon. Søknaden gjeld ca. 200 stk tre på eit eksisterande juletrefelt på ca. 40 dekar.

Utsetting av utanlandske treslag krev løyve etter forskrift om utsetting av utenlandske treslag til skogbruksformål av 25.05.2012 (heretter kalla forskrifta). Formålet med forskrifta er *å hindre at utsetting av utenlandske treslag medfører eller kan medføre uheldige følger for naturmangfoldet*, jf. § 1.

Søknaden skal vurderast etter prinsippa i §§ 8-12 i naturmangfaldlova (NML), jf. § 7 i NML.

Vurdering

Ved vurdering av om det skal gjevast løyve til utsetting, skal eventuelle uheldige følger for naturmangfaldet vektleggast. Det skal leggast særleg vekt på om treslaget og eventuelle følgjeorganismar medfører risiko for uheldige følger for det biologiske mangfaldet. Det kan ikkje gjevast løyve viss det er grunn til å tru at utsettinga vil medføre vesentlege uheldige følger for det biologiske mangfaldet, jf. § 7 i forskrifta. Utplanting av utanlandske treslag kan ha ein negativ påverknad på naturmangfaldet ved å endre den naturlege artssamsetnaden og dei økologiske funksjonane på staden.

Kunnskapsgrunnlaget (NML § 8)

Sibiredelgran er klassifisert av Artsdatabanken som ein art med potensiell høg risiko. Dette betyr at det føreligg ein mogeleg fare for spreiing og etablering av arten. I tillegg kan arten påverke det arealet han blir planta på.

I følgje søknaden er føremålet med utsettinga å produsere juletre. Trea blir difor hausta før dei set kongler, og feltet vert rydda etter at salgbare tre er hogde. Det er difor ingen fare for spreiing av desse artane til naturen kring feltet.

Vi har vurdert dei naturfaglege kvalitetane til plantearalet. Det vert oppgjeve at dette er ein eksisterande juletreplantasje der det skal supplerast med nye tre. Her er ingen registreringar i Naturbase i høve raudlisteartar eller andre relevante verdiar. Ei suppleringsplanting i eksisterande felt vil ikkje medføre spesielle landskapsmessige endringar i dette landskapet. Ut frå føreliggande kunnskap vil det ikkje medføre uheldige følgjer for naturmangfaldet.

Føre-var-prinsippet (NML § 9)

Vi vurderer vidare at behovet for å avslå, evt. krevje tilleggsutgreiningar på grunnlag føre-var-prinsippet er uaktuelt.

Økosystemtilnærming og samla belastning (NML § 10)

Vi kan ikkje sjå at plantinga medfører noko belastning som skulle utløyse noko uheldig, samla situasjon for eit område eller ein naturtype.

Kostnadane ved miljøforring (NML § 11)

Stordal Preserving Hove kan påleggast å fjerne utilsikta spreiing av utplanta sibiredelgran. Fylkesmannen kan pålegge tiltak etter NML §§ 69-73.

Miljøforsvarlege teknikkar og driftsmetodar (NML § 12)

Fjerning av alle trea før frøsetting vil vere eit tilstrekkeleg tiltak for å hindre spreiing. I tillegg er den som har fått løyvet til utsetting pliktig til å føre internkontroll, jf. § 10 i forskrifta.

Konklusjon

Vi vurderer det til å vere små negative effektar på naturmangfaldet i utsettingsområdet som følgje av suppleringsplanting av sibiredelgran. Med bakgrunn i opplysningane i søknaden og kunnskapsgrunnlaget, vurderer vi spreingsfaren som låg, og faren for negative økologiske effektar som liten.

Fylkesmannen i Møre og Romsdal gir Stordal Preserving Hove v/Jarle Hove etter dette løyve til utsetting av sibiredelgran på gnr 128 bnr 5 som omsøkt. Løyvet gjeld for ca. 200 stk. tre på eit samla areal på 1 daa på avmerka areal "1" i vedlegget til søknaden, jf. §§ 4 og 5 i *Forskrift om utsetting av utenlandske treslag til skogbruksformål*. Vi viser vidare til krava i forskrifta §§ 8, 9 og 10 om hhv. varsemd, informasjonsplikt og krav til internkontroll.

Det vert sett følgjande vilkår til løyvet:

- 1) Etter at felta er hausta, skal alle ikkje-omsettbare tre fellast. Dette skal gjerast slik at det ikkje kjem skott frå greiner eller stubbe. Det planta arealet skal uansett ryddast innan år 2027, før evt. nyplanting.
- 2) Det er ikkje tillate å fjerne tre med voksyktig rot frå feltet. Dette skal hindre ukontrollert spreying av artane.
- 3) Dersom det vert oppdaga spreying av tre utanfor plantefelta, skal desse fjernast, og Fylkesmannen i Møre og Romsdal må varslast.
- 4) Løyvet skal oppbevarast hos tiltakshavar og grunneigar inntil vilkåra i løyvet er oppfylt, jf. § 7 fjerde ledd i forskrifta.

Vedtaket kan pålagast til Direktoratet for naturforvaltning innan tre veker i samsvar med forvaltningslova. Ein eventuell klage skal opplyse om kva endringar ein ønskjer i vedtaket, og skal sendast til Fylkesmannen i Møre og Romsdal.

Stordal Preserving Hove er ein etter måten stor juletreprodusent i fylket. Vi vil tilrå at ein vurderer heile produksjonsarealet ved neste søknad om utsetting, slik at ein kan utarbeide eit meir langsigktig løyve som er tilpassa den kommande drifta.

Med helsing

Ulf Lucasen (e.f.)
seksjonssjef

Ola Betten

Dokumentet er elektronisk godkjent og har ingen signatur.

Kopi:

Stordal kommune Direktoratet for naturforvaltning	Kommunehuset Postboks 5672 Sluppen	6250 7485	STORDAL TRONDHEIM
--	---------------------------------------	--------------	----------------------